


古今法書日苑

五十九
六十

412
49
32







古今法書苑卷之五十九

吳郡王世貞元美甫編 雲間王乾昌伯元甫校

十三之石^五

漢廷尉仲定碑 建寧五年

右漢廷尉仲定碑在今濮州雷澤其額題漢故廷尉仲君之碑碑載官閣甚詳雖殘缺然尚可次第其畧云君諱定聖漢龍興家于成陽父張掖廣漢太守以父勲拜瑯邪太守南陽陰府君舉孝廉不行南郡胡公除濟陰復舉孝廉并尚書左丞除郎中遷彭城呂長徵試博士太傅下邳趙公舉君高行遷豫州刺史



將軍從事符節令豫章太守徵議郎拜尚書遜位復徵拜將軍長史遷城門校尉執金吾拜大中大夫遷廷尉卿託病乞歸修完靈臺黃屋三十餘上聽拜大中大夫臺成事訖上以君先帝舊臣筴請令州郡以禮特遣熹平元年孟秋上旬君遘疾不瘳於是門生養徒故吏鄉黨刊石勒銘樹碑表道焉兩漢遷拜次第史既不能詳載而石刻類皆磨滅難考今此碑所載詳悉故盡著之所謂南郡胡公者廣也大傳下邳趙公者峻也按定漢史無傳惟風俗通元和姓纂具載姓名官爵云

金石錄

漢成陽靈臺碑

建寧五年

成陽縣城西二里有堯陵陵南一里有堯慶都陵於城爲西南稱曰靈都鄉曰崇仁邑號修義皆立廟四周列水潭而不流水澤通泉泉不耗竭至豐魚笱不敢採捕前並列數碑堯陵東城西五十餘步中山夫人祠堯妃也漢建寧五年五月成陽令管遵所立碑文云堯陵北仲山甫南五貞祠晉大安中立一碑是永興中建令碑祠並無處所考地驗狀咸爲疎僻蓋聞疑書疑耳

水經注

右漢堯母碑漢建寧五年造其文畧曰堯母慶都感

赤龍而生堯遂以侯伯恢踐帝闕下有慶都僂沒蓋葬
于茲欲人莫知名曰靈臺上立黃屋堯所奉祠三代
改易荒廢不修漢受濡期興滅繼絕如堯之遂遭亡
新禮祠絕矣故廷尉姓名磨滅不可讀矣深為大漢之苗胃常
修堯祠追遠復舊前后奏上帝納其謀歲以春秋奉
大宇祠時濟陰太守魏郡審是成陽令博陵管遵各
遣大掾輔助闕君經之營之不日成之此其大槩也
按皇覽云堯家在濟陰城陽呂氏春秋云堯祀穀林
皇甫謐云穀林即城陽然自史記地志及水經諸書
無堯母葬處惟見於此碑蓋亦葬成陽也而諸書俗

木多為城陽獨此碑為成陽當以碑為正碑後列當
時人名氏又云審是字元讓管遵字君臺又云漢受
濡期莫曉其義也 集古錄

堯母家在濮州雷澤縣有碑余得而考之蓋建寧五
年廷尉臣所建濟陰守審是元讓成陽令管遵君臺
遣大掾輔助以成其說感亦龍而生堯則本春秋合
成圖謂慶都生干斗之維常在三河東南天大雷
電則血流潤大石之中生慶都為黃雲覆蓋茂食不
饑許慎嘗為之論曰堯親慶都蓋天帝之女寄伊長
孺家年二十九歲無出觀於河有赤龍負圖而至曰

赤龍受天下之圖有人赤衣光面八采鬢髯長赤帝
起成元寶及生堯視如圖故眉有八采之色以帝王
世紀考之堯為帝學子則豈謂無父漢人尚識緯其
論每若此彼以漢高祖為雷電感大澤中以生則追
叙堯事相配昔皇甫謐以毅成為陽成而碑作成陽
集古錄以碑為正余按成陽本成伯國地記謂在濮
州雷澤述征記曰成陽東南有堯冢延光二年書祠
唐堯子成陽古未嘗亂也廣州書跋
右漢成陽靈臺碑成陽屬今雷澤碑畧云堯母慶都
遷歿蓋葬于此茲欲人不知名曰靈臺歐陽公集古錄

以謂自史記地志及水經諸書皆無堯母葬處予按
班固西漢劉昭東漢書地理志皆曰成陽有堯冢靈
臺而東漢志章帝元和二年東巡狩將至泰山道使
使者奉一太牢祠帝堯於濟陰成陽靈臺與章帝紀
所載正同帝紀章懷太子注引郭緣生述征記云成
陽縣東南有堯母慶都墓上有祠廟堯母陵俗亦名
靈臺文母水經注今成陽城西二里有堯陵陵南一
里有堯母慶都陵於城為西南稱曰靈臺蓋兩漢史
所載似以靈臺為堯冢惟此碑與述征記水經迺直
指為堯母冢爾然水經云在成陽西南而述征云在

東南未知孰是又集古錄云諸書俗本多城陽獨此碑為成陽當以碑為正余嘗考之成陽縣名屬濟陰郡城陽乃王國名漢文帝二年以封齊悼惠王子章者漢志所載各異未嘗差誤也碑有廷尉某歐陽公以為姓名磨滅不可讀今驗其缺處姓下隱隱有定字知其名定而其後云濟陰太守審晃成陽令管遵各遣大掾輔助仲君知其姓仲氏世為成陽人定有墓在雷澤碑尚存其額題漢故廷尉仲君碑有云表祠唐堯為漢祈福又云為廷尉御記病乞歸修堯靈臺黃屋三十餘上聽拜大中大夫云

余為淄川同官李堯雷澤人云

冢正在城西南蓋述
征記誤 金石錄

論靈臺碑

集古錄靈臺碑以為史記地志水經諸書皆無堯母葬處予按漢章帝紀注述征記云成陽縣東南有堯母慶都墓上有祠廟又按水經注今成陽城西二里有堯陵陵南一里有堯母慶都陵於城為西南稱曰靈臺而此碑云堯母葬于茲欲人不知名曰靈臺以二事証之堯與堯母葬處明白若此集古又云俗本多作城陽獨此碑為成陽當以碑為正予攷成陽與城陽自別成陽縣屬濟陰城陽乃漢齊悼惠王之子

章所封之國又帝堯碑云度都與赤龍交生伊堯其
事神異不可測集古又云廷尉某姓名磨滅予按漢
廷尉仲定碑云遷廷尉卿訖病乞歸修堯靈臺黃屋
三十餘而靈碑中有云濟陰太守成陽令各遣大掾
輔助仲君故知仲定無疑大凡考校往古事迹先須
熟讀強記遇事加之精審無疎畧歐陽公集古其文
章冠世後人豈可跋及然大要在考校而非所長是
可歎也川本自大凡至歎
也無此五十四字
漢許氏三碑建寧
拓縣城內有拓令許君清德頌石碎字紊唯此文見

碑城西南里許有漢陽種令許叔臺碑光和中立又
有漢故樂成陵令太尉掾許嬰碑嬰字虎卿司隸校
尉之子建寧年立餘碑文字碎滅不復可觀當似司
隸諸碑也水經注

漢北平殘碑熹平元年

北平城東南有一碑碑文悉破無驗唯碑背故吏姓
名尚存熹平元年義北門生浦國蕭劉定興立水經注

漢荊州刺史李剛碑熹平元年

鉅野黃水南有剛墓剛字叔毅山陽高車人熹平元
年見其碑石闕祠堂石室三間水經注

漢故民吳公碑 熹平元年

右漢吳公碑其額題漢故民吳公之碑碑云熹平元年十二月上旬吳公仲山其他刻畫完好如新文詞頗拙陋書亦恠而不工然漢時石刻存者漸少而此碑特完故錄之以資博覽 金石錄

漢司隸校尉魯峻碑 熹平元年

右漢司隸校尉魯峻碑云君諱峻字仲嚴鄆道元注水經引戴延之西征記曰焦氏山北金鄉山有漢司隸校尉魯恭冢冢前有后祠四壁皆青石隱起自書契以來思臣孝子貞婦孔子及七十二弟子形像像

邊者刻石記之今墓與石室尚存惟此碑為人輦置任城縣學矣予嘗得石室所刻畫像與延之所記合又其他地里書如方輿志寰宇記之類皆作峻惟水經誤轉寫為恭爾 金石錄

右漢魯峻碑云君諱峻字仲嚴山陽昌邑人監營謁者之孫修武今之子治魯詩顏氏春秋舉孝廉除耶中謁者河內太守丞辟司徒司空府舉高第御史東郡頭丘令遷九江太守拜議郎太尉長史御史中丞司隸校尉遭母憂自乞拜議郎服竟還拜屯騎校尉以病遜位熹平元年卒門生千商等二百三十人謚

曰忠惠父其餘文字亦粗完故得遷拜次序頗詳以見漢官之制如此惟云遭母憂自乞拜議郎又其最後為屯騎校尉而碑首題云漢故司隸校尉忠惠父魯君碑二首莫曉其義

集古錄

右漢司隸校尉魯峻碑水經注以峻為秦趙氏謂方輿志寰宇記皆作峻而辨水經之誤予家舊藏此碑峻字明白可識趙氏果有其本何乃不知而必欲證之以地里書也歐陽公謂峻最後為屯騎校尉而碑首題云司隸校尉莫曉其義隸釋云漢人碑志或以所重之官揭之司隸官尊而職清非列校可比故書

之也此足以祛歐公之惑鄭夾漈又謂此碑書於蔡邕按徐浩古迹記其叙邕書惟三體石經西岳光和尚華馮敦數碑及考其他字書亦未聞邕嘗書此不知鄭氏何所據也

金薤琳瑯

漢魯峻碑陰

右漢魯峻碑陰歐陽公趙明誠皆失收錄至洪丞相隸釋於漢碑搜羅殆盡而亦復遺焉予家此碑不特人間少有且文字篋完可讀惜不令三公見之

金薤琳瑯

漢太傅胡廣碑

熹平二年一作交趾太守胡寵碑

夏水逕成都郡故城晉永嘉中西蜀阻亂割華容諸

城為穎王都夏水又逕交趾太守胡寵墓北漢太傅
廣身陪陵而此墓側有廣碑故世為廣冢非也其文
文言蔡伯喈之辭水經注

漢玄儒叢先生碑

熹平三年

右漢玄儒叢先生碑云先生諱壽字元考南陽隆人
也祖太常博士父安貧守賤不可營一作榮以祿先生
童孩多奇收疑有志好學不歇不飭小行善與人交
久而能敬榮沮溺之偶耕井山林之杳藹又曰有朋
自遠冕紳莘莘講書不倦年七十有八熹平三年二
月甲子不祿今光化軍乾德縣圖經載此碑景祐中

予自夷陵貶所再遷乾德令按圖求碑而壽有墓在
穀城界中予率縣學生親拜其墓見此碑在墓側遂
據圖經遷碑還縣立于勅書樓下至今在焉集古錄
右漢玄儒先生叢壽碑集古錄云在光化軍乾德縣
予自夷陵貶所再遷乾德令壽有墓在穀城界中而
碑在墓側遂遷碑還縣立于勅書樓下則碑在當時
得免于毀棄者歐陽公之力也隸釋云玄儒先生蓋
國人私謚猶陳寔之文範法真之元德而其末流之
弊更相標榜三君八顧之目紛然而奇禍作矣予謂
漢人之好標榜其罹禍固宜然自漢至今十有餘年

而私謚不廢亦未聞有罹禍者此又不可以執一論也光化軍即今襄陽府之先化縣而乾德亦其地云

金薤
琳琅

漢桂陽周府君碑

熹平三年

右漢桂陽周府君碑按韶州圖經云後漢桂陽太守周府君碑按廟在樂昌縣西一百一十八里武溪上武溪驚湍激石流數百里昔馬援南征作歌名武溪深周使君開此溪下合真水桂陽人便之為立廟刻石又云碑在廟中郭蒼文今碑文磨滅云府君字君光而名已訛缺不可辨圖經但云周使君亦不著其

名後漢書又無傳遂不知為何人也按武水源出柳

州臨武縣鸕鷀石南流三百里人桂陽而桂陽真水

一有梨
溪二字

盧溪曹溪諸水皆與武水合流其俗謂水湍

峻為龍韓退之詩云南下昌樂龍即此水也至今以為利南字甚嚴碑首題云神漢如唐人云聖唐爾蓋當時已為此語而史傳他書無之獨見於此碑也

周府君碑予初得前本恨其名遂磨滅後有國子直講劉仲章者為予言前為樂昌令因道府君事云名景碑刻雖闕尚可識也乃以此碑并陰遺予蓋前本特摸者不工爾予初以韓集云昌樂龍疑其誤乃改

從樂昌仲章曰不然縣名樂昌龍名昌樂舊俗所傳
如是韓集不誤也 集古錄

右漢桂陽太守周府君頌歐陽公集古錄云府君字
君光而名已訛缺不可辨圖經但云周使君而亦不
著其名後漢書又無傳遂不知為何人而曾子固言
嘗得此碑於知韶州王之才之才以書來言曲江縣
圖經周府君名昕字君光則永叔云圖經不載其名
者蓋考之未詳也今此本雖訛缺然究其點畫殊不
類昕字二公所說既不同而韶州圖經予家偶無有
皆未可知也當考之 集別後見市中印本歐陽公廬陵

字頗近之

金石錄

右漢桂陽太守周府君碑歐公謂其名已殘闕但知
其字為君光而已趙氏引曾南豐之言謂周君名所
以為歐公考之未詳而其後小字復謂歐公別集有
一跋云周君名景而又以為字頗近之予按釋隸云
君諱景字君光與歐公後跋正合則南豐所謂名昕
者固為失之而趙氏又何必置疑於其間哉

此碑元季廬陵陳謨跋謂漢刻本在隴上唐重刻本
在曲江廟中不知何時徙置郡學韶州守錢旭既新
府治以韶在漢屬桂陽乃徙置之後揚文貞公跋亦

云碑在韶州府治按府治今為王府碑由是仍從曲江廟中東廣漢碑絕少所有微斯而已

金薤
琳琅

挂陽周府君碑并碑陰歐陽永叔按韶州圖經云後漢挂陽太子周府君廟在樂昌縣西一百一十八里武漢上武漢驚湍激石流數百里昔馬援南征其門人多寄生善吹笛援為作謔和之名曰武漢深曰滴滴武漢一何深鳥飛不度獸不能臨嗟嗟武漢何毒淫周府君開此溪合真水挂陽人便之為立廟刻石又云碑在廟中郭蒼文今碑文磨滅云府君字君光而名已訛缺不辨圖經但云周使君亦不著其名後

漢書又無傳遂不知為何人世按武水源出彬州臨武縣鷓鴣石南流三百里入桂陽水真水黎溪盧溪諸水皆武水合流其俗謂湍浚為瀧溪退之詩云南下樂昌瀧即此水也碑首題云神漢者如唐人云聖唐爾蓋當時已有此語而史傳他書無之獨見於此碑也熙寧八年予從知韶州王之材求得此本之材又以書來曰按曲江縣圖經周府君名昕字君光則永叔云圖經不著其名者蓋攷之未詳也又有碑陰列故吏及工師官號州里姓名之材并摸以求永叔蓋未得之也其碑陰曲江字皆作曲紅而蒼江字江

夏字亦作紅蓋古字通用不可不知此學者所以貴
乎博覽也永叔又記劉原父所得商洛之鼎銘云惟
十有三古二月旁死魄君謨問十四日者何謂原父
不能言也以予考之古字如亦作字缺一人作允之類
皆重出如此者甚衆則此文作三者特二字耳永叔
原父君謨皆博識而亦有所未達學者又不可不知
故并見之於此也

漢周府君碑陰

右漢周府君碑陰題名凡三十一人姓氏俱存按鄴
道元注水經瀧水南逕曲江縣東縣昔號曲紅曲紅

山名也而東西兩漢史皆作曲江今據此碑自縣長
區社而下凡十七人皆書爲曲紅則是當時縣名曲
紅無可疑者不知兩漢史皆作曲江何也 金石錄
漢石經碑 熹平四年

靈帝光和六年刻石鐫碑載五經立于大學講堂前
蔡邕以熹平四年與五官中郎將堂谿典光祿大夫
臧議郎張訓韓說太史令單颺等奏求正定六經文
字靈帝許之邕乃自丹千碑使工鐫刻立于大學門
外後儒晚學咸取正焉碑始立其觀視及筆寫者車
乘日千餘兩填塞街陌矣今碑上悉銘刻蔡邕等名

魏正始中又立古篆隸三字石經初傳古文出邯鄲
淳石經古文轉失淳法文帝又刊典論六碑附于其
次陸機所言二碑今並無水經注

經廢於世久矣當秦未滅詩書其學已失舊法自漢
以來師習各異黨學相代至致滋蔓周由等以就其
學有不合者則私定黍書以應其誤獨蔡邕鑄刻七
經著於石碑有所檢據崇捨其失而周盡當時號鴻
都三字其異文者附見於此已殘之經得収其遺逸
而僅存可貴也纔三十年兵火繼遭碑亦損缺魏正
始中又立一字石經相承以為七經正字後魏武定

四年移洛陽漢魏石經于鄴都河陽岸崩遂沒于水
其得至鄴者殆不得其半周大象中詔徙鄴城石經
于洛特為軍人破毀至有竊載還鄴者船壞沒溺不
勝其衆也其後得者盡破為橋基隋開皇六年自鄴
京載入長安置于秘書內省議欲補緝立千國學會
亂遂廢營造之司用為柱礎貞觀初魏徵始収聚之
十不一存其相承傳拓之本猶在祕府當時考驗至
詳謂不盡為邕如馬日磳數輩相與成之然漢隸簡
古深於法度故兼存之趙綽曰唐造防秋館穿地多
得石經故洛中人士逮今有之考當時所得已是漢

世所遺沒者國初開地唐御史府得石經十餘石此
又唐末淪沒之所出也

秘書郎黃符以石經尚書示予為考而識之蔡邕以
經籍云聖久遠文字多謬俗儒穿鑿恐誤後學熹平
四年奏求正六經文字邕乃自書於碑大屋覆藏立
太學門外號鴻都石經屋覆四面攔障開門於南河
南郡設吏卒視之昔朱越石與兄書曰石經文都其
碑高一丈許廣四尺駢羅相接太學在南明外門講
堂長十丈廣三尺堂前石經四部本碑四十六枚元
魏時西行尚書周易公年傳十六碑存十二碑毀南

行禮記十五碑悉崩壞東行論語三碑毀禮記但存
諫議大夫馬日彈議郎蔡邕名當時是尚有碑十八
蓋春秋尚書作篆隸科斗復有周易尚書公年禮記
四部陽銜之曰石經尚書公年為四部又謂春秋尚
書二部書有二經當是古文已出銜之出北齊謂得
四十八碑誤也洛陽昔得石經尚書幾段殘破不屬蓋
盤庚洪範無逸多士多方總二百三十六字其文與
今尚書盡同間有異者纔十餘然則知古文尚書蓋
已見於此或曰魏亦作石經安知此為漢所書哉予
謂魏一字漢為二字此其相亂邪且曰天命自度碑

作亮惠鮮鰥寡碑作惠于於寡迺逸既誕作迺憲既
延治民祇懼作以民肆高宗享國五十九年作百年
以書考之知傳授譌誤不若碑之正也方漢立學宮
書惟有歐陽夏侯其書雖不全見今諸家所引與古
文尚書全異不應今所存古文反盡同也疑豈既立
二書則或當以古文自存矣王肅解書悉自孔傳便
知魏去漢世未遠肅得其文不然不應又盡同也昔
內史梅頤分彜典而當時猶疑知古經已廢于漢魏
不爾肅得自私使世疑邪予知至晉其書已絕今考
杜預釋左傳以古文為逸書又知歐陽夏侯所傳殆

異於古文於此乎考之

石經今廢不存或自河南御史臺發地得之蓋論語
第一篇并第十四篇為一碑亡其半矣其識者字二
百七十又自第十八篇至第二十篇為一碑破缺殘
餘得五之一其存字為三百五十七以今文論語校
之其異者若抑與之與為意與之我未見好仁者惡
不仁者作未見好仁惡不仁朝聞道夕死可矣作可
也有三年之喪于其父母無于字惡居下流無流字
年四十而見惡焉無焉字鳳兮鳳兮作何德之衰往
者不可諫也來者猶可追也今本皆異孰與者為誰

作執車者為誰于是魯孔丘與曰是然後曰是知津
矣比今書多二字擾而不輟夫子憮然植其杖作置
其斯而已矣作其斯以乎子游而作子苜而在蕭牆
之內作而在於蕭牆之內凡碑之所存較其異者已
十五之一矣使鴻都舊書盡存則其異可知也夫以
邕之所定雖未盡得聖人本書然漢儒書傳其校定
象家得正譌誤多矣此猶是千歲舊書比今兵火之
餘師學久廢其庸得當邪廣川書跋
右漢石經遺字者藏洛陽及長安人家蓋靈帝熹平
四年所立其字則蔡邕小字八分書也其後屢經遷

異於古文於此乎考之

石經今廢不存或自河南御史臺發地得之蓋論語
第一篇并第十四篇為一碑亡其半矣其識者字二
百七十又自第十八篇至第二十篇為一碑破缺殘
餘得五之一其存字為三百五十七以今文論語校
之其異者若抑與之與為意與之我未見好仁者惡
不仁者作未見好仁惡不仁朝聞道夕死可矣作可
也有三年之喪于其父母無乎字惡居下流無流字
年四十而見惡焉無焉字鳳兮鳳兮作何德之衰往
者不可諫也來者猶可追也今本皆異執輿者為誰

經書本校此遺字其不同者已數百言又篇第亦時
有小異使完本具存則其異同可勝數邪余既錄為
三卷又取其文字不同者具列于卷末云 金石錄

漢堂谿典嵩高山石闕銘 熹平四年

右漢堂谿典嵩高山石闕銘云中郎將堂谿典伯并
熹平四年采請兩嵩高山廟後漢書靈帝紀熹平五
年復崇高山名為嵩高山章懷太子注引前漢書武
帝紀中嶽改嵩高為崇高東觀記曰使中郎將堂谿
典請兩因上言改之復為崇高今此文乃熹平四年
可以正漢史之誤又蔡邕傳注引先賢行狀云典字

子度而延篤傳注又作季度今此碑乃云字伯并亦
當以碑為正 金石錄

漢堯祠碑 熹平四年

右漢堯祠碑在濟陰碑云帝堯者蓋昔世之聖王也
又曰聖漢龍興纂堯之緒祠以上犧至于王莽絕漢
之業而壇場夷替屏攝無位大抵文字磨滅其後有
云李樹連理生於堯祠太守河南張寵到官始初出
錢二十敬致禮祠其餘不能讀也碑後年月蓋熹平
四年建云 集古錄

右漢帝堯碑云帝堯者昔世之聖王也其先出自堯

隗真火之精有神龍首出于常羊又云名紀見乎河
雒爰嗣八九慶都與赤龍交而生伊堯又云侯伯遊
於玄河之上龍龜負銜投鈴受與然後堯乃受命其
說出於讖緯可謂恠妄不經矣 金石錄

漢石杜碑

熹平五年

臨淄梧臺四有石杜碑猶存漢靈帝熹平五年立 水經注

漢沈州三刺史德政碑

三碑年次不等今以首碑熹平五年為主

河東薛季像以郎中拜郟令甘露降園熹平四年遷
州明年復降殿前樹從事馮巡主簿華操等相與褒

樹表勒棠政又有刺史茂陽楊叔恭碑從事孫光等
以建寧四年立又有東太成人班孟堅碑建和十年
尚書右丞拜刺史從事秦闔等刻石頌德政碑咸列
焉 水經注

漢太傅掾橋戴墓碑

熹平五年

睢陽城南二里有戴墓碑戴字元賓梁國睢陽人也
睢陽公子于熹平五年立城東有步有石室刊石漢
鴻臚橋仁祀城北五里有石虎石柱而無碑誌 水經注

漢蒼頡廟碑

熹平六年

右漢蒼頡廟碑文字殘缺其畧可辨者有云蒼頡天

生德於大聖四目靈光為百王作憲而其銘曰穆穆
聖蒼知為蒼頡碑也考其歲月蓋熹平六年立金石錄
漢序彰長斷碑熹平六年

右漢序彰長斷碑在華陰已斷裂惟存下一段故其
姓名皆亡所可見者有云先高祖時以吏二千石自
齊臨淄徙充關中祖字與先為執金吾分聽漁陽太
守又云元初元年遭家不造三歲喪父事母有柴穎
之行初仕為縣主簿功曹郡諸曹吏帳下司馬劉君
招命署議曹掾假除百石遷補任尉假印綬守廣平
夏曲陽令序彰長熹平二年秋七月寢疾不豫最後

題熹平六年十月九日辛酉造按史記及漢書本紀
高祖九年徙齊楚大族昭屈景懷田五姓關中而其
四姓皆楚人自齊徙者惟田氏爾然則此碑其人必
姓田氏也按第五氏亦云自齊徙關中然本亦出于田氏也序彰東西漢史
皆作序章金石錄

漢梁相費府君碑年次未詳錄于其子堂邑令碑前

右漢梁相費府君碑其名字若云諱況字仲慮而況
疑為况慮疑為寬其官階可見者為蕭令九年沛有
鯨獨不入其界國以狀聞朝廷嘉之拜梁相春秋八
十年其銘頗簡而文字粗完云穆穆頭祖厥德懿鑠

播助於前丕頌基業遺愛於民禍流於後昨自此磨
滅不可識者八字其卒章云功烈休矣采昆勅力而
錫字為縣古文多然集古錄

右漢費沉碑在湖州其額題漢故梁相費君之碑碑
云梁相諱汎字仲慮此邦之人也其先季文為魯大
夫有功封費因以為姓秦項兵起避地于此遂留家
焉予家所收姓氏文字粗備以諸書參考頗多抵牾
不合姓苑云費氏禹後漢有長房蜀志有丞相禕又
云今琅邪亦有此姓音父位反李利涉編古命氏云
費氏出自魯相公少子季友有勳於社稷賜汶陽之

田封邑于費子孫氏焉漢有費將軍其後有費忠費
柔柔適蜀為寧蜀人忠之孫徙于荊州後遷江夏忠
十代孫奔孫禕又家于蜀晉平蜀禕之子承復歸江
夏林寶元和姓纂云費氏亦音秘史紀紂幸臣費中
夏禹之後楚有無極漢有直蜀有禕晉有詩又云琅
邪費氏直之後也陳湘姓林云費氏音蜚夏禹之後
予嘗考之此字有兩姓音讀不同源流亦異其一音
蜚羸姓出于伯翳史記所載費昌費中楚費無極漢
費將軍費直費長房蜀費禕之徒是其後也其一音
秘姬姓出于魯季友姓苑所載琅邪費氏而此碑所

謂梁相費君是其後也然則姓苑姓纂姓林皆云夏禹之後姓纂又云亦音秘及謂琅琊費氏為直之後皆其差誤而編古命氏以費將軍費禕之徒出干魯季友亦非也予又按春秋僖公賜季友汶陽之田及費而左傳亦以謂季友有功干魯受費以為上卿今以為季文有功封費者蓋碑之誤

金石錄

漢堂邑令費鳳碑

熹平六年

右漢費鳳碑云字伯蕭梁相之元子也漢安二年舉孝廉拜郎中除陳國新平長又云試守故障長其文班班可見而卒葬年壽皆不載其後悉為五言韻語

其畧曰不悟奄忽終藏形而匿景耕夫釋耒耜桑女投鉤筥道阻而且長起坐淚如雨其文非工惟漢隸難得故錄爾

集古錄

右漢堂邑令費君碑云惟熹平六年無射之日堂邑令費君寢疾卒嗚呼哀哉于是夫人之弟卜胤追而誄之其後有銘詩碑所述費君事不甚詳悉而其名字世次官秩具載于碑陰

集古錄

右漢堂邑令費君碑君夫人之弟卜胤所撰蓋誄辭也辭之後載鄣土故吏施業堂邑義民戚忠皆竭力送終而忠之所行尤為卓絕考之費君沒時忠有廣

陵之役既開計未奔祖載還鄉及葬有期復
扶號拒前列直丘木誠可謂之義矣漢去古未遠故
民俗之厚如此若後世其可得哉

金薤
琳琅

漢費鳳碑陰

右漢費君碑陰云君諱鳳字伯蕭梁相之元子九江
太守之長兄也世德襲爵銀艾相亞又云君踐郡右
職王貢獻計漢安二年吳郡太守東海郭君以君有
委蛇之節自公之操年三十一舉孝廉拜郎中除陳
國新平長遂宰堂邑其後為五字韻語詞頗古雅而
時時殘缺不可次序其前題君舅家中表并陵石勳

字子才所述云

金石錄

漢費鳳別碑

右漢堂邑令費鳳別碑歐陽公直以為費鳳碑趙明
誠則以為費鳳碑陰隸釋謂費氏父子三碑並列于
吳興校官蓋鳳之父汎為梁相有碑而鳳亦有碑
此則鳳中表石勳字子才之所述也集古後錄謂勳
不遠三千里而會中表之喪觀此情友親厚之心可
以悠然而生則隸釋所稱別碑為是三碑今皆不存
此予得之四明豐解元坊宋搨本也

金薤
琳琅

漢曹氏二碑 熹平六年

元子熾冢東題云漢故長水校尉曹君之碑歷太中
大夫司馬長吏侍中遷長水年三十九卒熹平六年
造熾弟胤冢東有碑題云漢謁者曹君之碑熹平六
年六水經注

漢襄鄉碑熹平中

睢陽縣有襄鄉塢迹征記曰即襄鄉浮圖也汲水逕
其南漢熹平中某君所立死因葬之身刻石樹碑以
追厥德隧前有師子天鹿累碑作百達柱八所荒蕪
頽毀凋落畧盡矣水經注

漢繁陽令楊君碑熹平中

右漢繁陽令楊君碑首尾不完文字磨滅可識者四
百三十字不可識者六十一字碑云君遭叔父太尉
薨委榮輕舉吏民攀轅守闕上書運穀萬斛助官賑
貧以乞君還又云富波君之子梅漢書揚震子牧為
富波相君迺牧子也叔父太尉者象也出米乞令前
史所無惜其名字磨滅不可見矣集古錄

漢郎中王君碑光和元年

右漢郎中王君碑文字磨滅其名字官闕卒葬年月
皆莫可考惟其碑首題云漢故郎中王君之銘知君
為漢人姓王氏而官為郎中耳集古錄

漢太尉陳球碑光和元年

下邳縣城之西北有漢大尉陳球墓墓前三碑是
弟子管寧華歆等所造水經注

右漢太尉陳球碑云君諱球字伯真廣漢太守之元
子也又云除郎中尚書符節郎慎陵園令換中東城
門後遷繁陽令拜侍御史其後又云拜將作大匠其
餘磨滅僅存按後漢書球傳云父豐廣漢太守陽嘉
中球舉孝廉稍遷繁陽令太尉揚象表球零陵太守
後累拜司空光和元年遷太尉坐日食免復拜光祿
大夫與司徒劉郃等謀誅宦臣曹節等不果下獄死

球在零陵破賊胡蘭朱盖有功威著南邦今碑破蘭
盖事班班可讀與傳皆合惟不著誅宦官事至其卒
時文字磨滅不可識惟云六十有二亦與傳合予所
集錄古文與史傳多異惟此碑與列傳同也

右漢太尉陳球碑球有兩碑皆在下邳其一已殘缺
此碑差完可考前代碑碣與史傳多牴牾而球碑所
載官制事跡與傳合云金石錄

漢太尉橋玄碑光和元年

睢陽城北五六里有漢太尉橋玄墓塚東有廟即曹
孟德親酌處操本微素嘗侯于玄玄曰天下將亂能

安之者其在君子操感知己後過去墓祭云冢列數
碑一是漢朝羣儒英才哲十二是故吏司徒博陵崔
烈廷尉河南吳整等一是龍西抱罕北次陌碭守長
隲為左尉漢陽源道趙馮孝高以橋嘗牧涼州光和
元年主記掾李友作碑文碑陰有右鼎文建寧三年
拜司空又有中鼎文建寧四年拜司空又有中鼎文
建寧四年拜司空又有左鼎文光和元年拜太尉鼎
銘文曰故臣門人相與述公之行咨度體則文德銘
于三鼎或功勒于征鉞書于碑陰以昭光懿又有鉞
文稱是用鑿石假象作茲征鉞軍鼓陳之于東階亦

以昭公文武之勳焉

水經注

李元仲示予斷碑蓋從地得之昔為礎故其剝鑿不
可盡見惟曰公諱玄其下已缺又曰睢陽人知其為
橋公祖碑也公祖故臣門人述其言行銘于三鼎勒
于征鉞官簿第次書之碑陰世或傳之此碑蓋司空
崔烈廷尉吳整刻石者予謂玄在漢世無大事功惟
疾惡破姦為矜蓋剛介一操之士當其時所薦達多
在顯位故名獨傳又如魏武于其微時玄則識之故
在後世名益顯也李元仲云云故其後世名益顯嘗
考於碑秦司隸趙祁并發鄭貞書劾之以瘞陶王俾

為鉅鹿太守為齊梅路之臧又張機忘託舜命誅之
車師後部而多那卑君爭國遺從事奉詞以定西域
其涼州擅發官廩以活饑人今考漢史不書則亦闕
矣如史謂伏地言羊昌罪乞為從事窮按其奸梁冀
馳檄周景而封還檄又為洛陽左尉時梁不疑尹河
南恐受對為所辱棄官此皆得事實為碑故自異蓋
畏避其文不得立見至答皇甫禎死冀中涼州亂故
四府舉其才以度遼將軍假黃鉞有名節以此也史
與碑合廣川書跋

漢太尉郭禧碑

光和二年

右漢太尉郭禧碑文字殘缺所存才百許字其可見
者公諱禧字君房而已禧郭躬從孫也其事迹附見
躬列傳云少明習家業兼好儒學有名譽延熹中為
廷尉建寧二年代劉寵為大尉而靈帝紀亦云是年
十一月禧為太尉章懷太子注云字公房扶溝人也
郭氏世為陽翟人自躬以下皆葬陽翟其墓尚存今
此碑缺處猶有陳留扶溝字疑禧嘗寓居是邑其卒
也返葬故鄉而漢書江遂以為扶溝人恐誤

金石錄

漢郭禧碑陰

右漢郭禧碑陰其首有四大字云故吏人名其下列

故吏密張立度成匡師張協子通雒陽李倉子考故
民河南陰德紀信以下凡百餘人又有古河南右河
內郡右弘農郡右扶風字字畫完好者甚多筆法淳
古可愛 金石錄

漢郭禧後碑

右漢郭禧後碑殘缺尤甚其畧可辨者云惟光和二
年夏五月甲寅太中大夫故太尉郭公薨又云公之
胤子故五原太守餘不復成文而其額題漢故太尉
郭公神道字畫尚完云後漢書列傳既不載禧所終
而靈帝紀但云建寧三年夏四月太尉郭禧罷亦不

言其為何官今以碑考之乃知其罷為太中大夫而
卒於光和二也五原太守名鴻後為司隸校尉封

成安鄉侯

金石錄

漢樊毅華嶽碑

光和二

右漢樊毅華嶽碑云秦華之山削成四方其高五千
仞廣十里周禮職方氏華謂之西嶽祭視三公者以
能興雲雨產萬物通精氣有益于人則祀之故帝舜
受堯親自巡省暨夏殷周未之有改秦違其典壁遺
鄠池二世以亡漢祖應運禮遵陶唐祭則獲福亦世
克昌亡新滔逆鬼神不享建武之初芻掃頑凶光

二年有漢元舅五侯之胄謝陽之孫曰樊府君諱教
字仲德命守斯邦孟冬十月齋祠西嶽以傳窄狹不
足處尊卑廟舍舊久墻屋傾亞特部行事荀班縣令
先薰以漸補治此其事也又云功曹郭敏等遂刊玄
石銘勒鴻勳其字畫頗完其文彬彬可喜惟以周禮
職方氏為職方事其字畫分明非訛缺疑當時周禮
之學自如此蓋識誌其義皆通也

右漢樊毅修葺嶽廟碑云惟光初元年歲在戊午名
曰咸池季冬己巳弘農太守河南樊君諱教字仲德
下車之初恭肅神祠西嶽至尊詔書奉祠躬親自往

齋室逼窄法齋無所於是與令巴郡胸忍先薰圖議
繕故二年正月己卯興就刻茲碑號吏卒挾路據此
碑乃即時所立而太守生稱諱者何哉集古錄

右漢葦嶽碑集古錄云碑以周禮職方氏為職方事
者疑當時周禮之學自如此蓋識誌其義通也余按
袁逢葦嶽碑亦引職方事乃用識字蓋漢人簡質字
相近者輒假借用之初無意義爾

碑云弘農太守河南樊君諱教歐陽文忠集古錄云
據此碑乃即時所立而太守生稱諱者何哉按春秋
左氏傳周人以諱事神禮卒哭乃諱又漢宣帝詔曰

令上書觸諱以犯罪者朕甚憐之蓋卒哭而諱實始於周而生死皆稱諱西漢已如此矣生曰名死曰諱又出於近世也然生稱諱見于石刻者甚衆豈獨此碑哉

金石錄

古今法書苑卷之六十

吳郡王世貞元美甫編 雲間王乾昌伯元甫校

十三之石

六

漢修西嶽廟復民賦碑

光和六年

右漢修西嶽廟復民賦碑云光和二年十二月庚午朔十三日壬午弘農太守臣毅頓首死罪上尚書臣毅頓首頓首死罪謹按文書臣以去年十一月到官其十二月奉祠西嶽華山省視廟舍及齋衣祭器率皆久遠有垢臣以神嶽至尊宜加恭肅輒遣行事荀班與華陰令先謹以漸繕治成就之又曰謹言

縣當孔道加奉尊嶽一歲四祠養牲百日用教蒙三千餘斛或有請兩齋禱後費兼倍小民不堪有飢寒之窘違宗神之敬乞差諸賦復華下十里以內民租田口臣輒聽盡力奉宣詔書恩惟惠利增異復上臣毅誠惶誠恐頓首頓首死罪死罪上尚書漢家制度今不復見惟予家集錄漢碑頗多故于磨滅之餘時見一二而此碑粗完故錄其首尾以傳臣教者樊毅也

金石錄

漢劉尋禹廟碑

光和二年

右漢禹廟碑云光和二年十二月庚午朔十九日戊

子皮氏長南陽章陵劉尋孝嗣承安定烏氏樊璋元孫其後叙禹平水土之功而最後有銘文多殘缺不能盡識碑在龍門禹廟

金石錄

漢冀州從事郭君碑

光和三年

右漢郭君碑名字已殘缺其額題曰冀州從事郭君之碑碑云其先出高辛興自于周缺一字蕃虞郭在河魏之間遭晉荒疆乃喪厥上奕世孳孳職思其勲子孫纓布家于樂土因國為氏又云歷郡諸曹掾史主簿督郵五官掾功曹又云光和二年終三年十月葬又云哀哀考妣追為實靈十商號咷喪子失名據此

乃父母生而稱考妣也爾雅云父爲考母爲妣郭璞注引禮記生曰父母妻終曰考妣嬪今世學者從之而璞援據諸書以爲非生死之異稱猶今謂兄爲舅妹爲娼爾今此碑漢人所謂已不用戴氏之說以此知璞爲有據然禮行于世久既有此論事親者所當避也

金石錄

漢逢童碑

光和四年

右漢逢童碑刻畫完好云童子諱盛字伯彌薄令之玄孫遂成君之曾孫安平君之孫五官掾之長子也又云年十有二歲在協洽五月乙巳噓噏不反天隕

精魄於是門生東武孫理下密王升等共刊石敘述才美以銘不朽焉其後題光和四年四月五日丁卯立碑舊在濰州昌邑縣近歲移至郡中云

金石錄

漢逢童碑陰

右漢逢童碑陰題云右家門生右縣中士大夫凡十三人有督郵雒敏賓雒后升司文叔盛姓字按雒與司文姓氏書皆不載今誌于此

金石錄

漢三公碑

光和四年

右漢北嶽碑文字殘滅尤甚莫詳其所載何事第其隱隱可見者曰光和四年以此知爲漢碑爾其文斷

續不可次序蓋多言珪幣牲酒黍稷豐穰等事似是
禱賽之文其後有二人姓名偶可見云南陽冠軍馮
巡字季祖其陵夏方字伯陽其餘則莫可考矣金石錄
右漢三公碑歐陽公集古錄有北嶽碑云文字殘缺
尤甚其可見者曰光和四年以此知爲漢碑爾其文
多言珪幣牲酒黍稷豐穰等事其後二人姓名偶可
見云南陽冠軍馮巡字季祖其陵夏方字伯陽余嘗
託人於北嶽訪求前代刻石幾盡獨無漢碑今此碑
所書事及二人姓名與集古所載皆同又光和四年
立雖其額題曰三公之碑而集古以爲北嶽碑豈歐

陽公未嘗見其額乎三公者山名定元氏云金石錄

漢穀阮君神祠碑光和四年

鄭縣城南山北有五部神廟東西向華嶽廟前有碑
後漢光和四年縣令河東裴畢字君先立水經注

右漢穀阮君神祠碑在鄭縣慶曆中樞密直學士施
君爲陝西都轉運使爲予摸此本云碑文已磨滅初
不可辨以麩填其刻稍尋其點畫命工鐫治之乃可
讀惟裴曄姓名爲鄉人鑿去矣穀阮所以畜洩水患
據碑文云自亡新以來廢之則前漢時已有之矣光
和中曄爲鄭縣令始修復之事見水經及華州圖經

殺阮君祠今謂之五部神廟其像有石隄西戎樹谷
五樓先生東臺御史王翥將軍皆莫曉其義施君名
昌言今為涇原路安撫使

集古錄

右漢殺阮君神祠碑歐陽公集古錄云殺阮君祠今
謂之五部神廟其像有石隄西戎樹谷五樓先生東
臺御史王翥將軍莫曉其義今此碑有云石隄樹谷
南通商雒又云前世通利吏氏與貴有御史大夫將
軍牧伯故為立祠以報其功乃知石隄樹谷御史將
軍之號自漢以來有之流俗相傳其所從來遠矣而
水經鄭縣有五部神廟前有碑縣令裴畢立又知五

部神自齊魏間已有此號矣裴君水經以為名畢而
集古錄云名曄今詳其點畫頗近畢字疑集古錄誤
漢殺阮祠碑陰

右漢殺阮君神祠碑縣吏及鄉人題石其完好可識
者二百餘人磨滅者有百餘人小字淳勁可喜歐陽
公集古錄未嘗有也

金石錄

漢無極山神廟碑

光和四年

右漢無極山神廟碑文字磨滅斷續然尋繹次序其
可見者尚多成文云太常臣耽丞敏頓首上尚書謹
按文書男子常山蓋高上黨范遷為元氏三公神山

去年五月常山相巡詣山請雨山神即使高傳言白
國縣即與封龍靈山無極山共興雲雨常山相巡元
氏令王翊冬以一白羊賽復使高與遷俱□太常為
無極山神素法食臣疑高遷言不實輒移本國今常
山相巡書言郡督郵言無極山體可三里所立石為
體長二丈五尺所山周匝二十餘里其三公封龍靈
山皆得法食乞令無極山比三山祠牲出王家以珪
璧為信愚臣如巡言請少府給珪璧故事須報臣
愚顛頓首頓首上尚書制曰可尚書令忠奏雒陽官
太常承書從事光和四年八月十七日丁酉尚書令

忠下太常耽丞敏下常山相其奏章如此其後遂言
造廟事而有銘其文多不載按漢奏章首尾皆言臣
某頓首頓首死罪死罪上尚書而此碑所載太常章
首尾不稱死罪而丞敏又不稱臣莫曉其制碑後又
列常山官屬云常山相南陽馮巡字季祖元氏令王
翊字元輔云

集古錄

右漢無極山碑按顏之推家訓曰詩云有渰萋萋興
雲祁祁毛傳云渰陰雲貌萋萋雲行貌祁祁徐也箋
云古者陰陽和風雨時其來祁祁然不暴疾也按渰
已是陰雲何勞復云興雲祁祁邪雲當為雨俗寫誤

爾班固靈臺詩云習習祥風祁祁甘雨此其證也據此則本作雲字之推改爲雨耳而陸德明經典釋文亦云本作興雲非也蓋德明據顏氏說改之故後來本皆作雨今此碑銘文有曰興雲祁祁雨我公田遂及我私乃知漢以前本皆作興雲顏氏說初無所據特私意耳

金石錄

漢揚州刺史敬使君碑

光和四年

右漢敬仲碑者其姓名字皆不可見惟其初有敬仲二字尚可識故以寓其名爾蓋疑其人姓田氏也大抵文字磨滅比其他漢碑尤甚字可識者頗多第不

成文爾惟云州郡課最臨登大郡又云居喪致哀又云司隸從事治書侍御史又云光和四年閏月庚申此數句粗可讀爾其餘字畫僅完者以漢隸今爲難得錄之耳

集古錄

右漢敬使君碑在河東平陽其額題云漢州刺史敬君之銘碑已殘缺其名字皆亡畧可辨者嘗辟司隸從事又爲治書御史最後云年五十三光和四年閏月遭疾而卒其他不復可考按姓苑載風俗通有敬歆漢末爲揚州刺史元和姓纂亦云歆平陽人而後周書敬珍傳唐書宰相世系表歆皆作韶余後得後

魏敬曦造像碑亦作韶乃知姓苑姓纂之謬又集古錄此碑凡再出其一題敬仲碑云名字已磨滅獨首有敬仲字故寓其名爾疑其人姓田也其一題無名碑所載事皆同蓋歐陽公未嘗見其額爾

金石錄

漢藁長蔡君頌碑

光和四年

右漢藁長蔡君頌碑在鎮府故天章閣待制楊旼嘗爲余言漢時隸書在者此爲最佳旼自言平生惟學此字余不甚識隸書因旼言遽遣人之常山求得之遂入于錄

集古錄

右漢藁長蔡君頌云君諱湛字子德河內修武人也

又云舉孝廉辭讓應司徒府除廣川長復辟太尉熹平四年六月詔書其下斷缺以是叙述遷藁長及在官政績又云三年遷高邑令吏氏追思於是故吏栗尹等相與合會立碑起頌刊斯石焉其後有銘最後題光和四年十二月詔書遷并州刺史其大畧如此其他文殘缺不可考矣

金石錄

漢蔡湛碑陰

右漢蔡湛碑陰載出錢人名有故吏賤民議民故三老故處士義民其稱故吏義民之類他漢碑多有之唯議民賤民獨見于此然莫詳其義

金石錄

漢安平相孫根碑光和四年

右漢安平相孫根碑云府君諱根字元石司空公之伯子樂安太守之兄子漢陽太守侍御史之兄乘氏令之考厥先出自有殷玄商之系子湯之苗又云聖武定周封比干之墓胤裔分析避地匿軌姓曰孫焉又云遷鄆長雍奴令換元氏考城令諫議大夫拜議郎謁者遷荊州刺史徵拜議郎遷安平相年七十有一光和四年十二月乙巳卒碑在今高密縣所謂司空公者桓帝永壽三年太常孫朗為司空注云朗字代平北海人漢三公名亦云朗北海高密人余嘗觀

漢時碑碣載其家世皆止書官爵蓋為子孫作銘不欲名其父祖爾此最為得體然非當代顯人則遂莫知其為何人也又按姓苑姓纂諸書皆云孫氏周文王子衛康叔之後衛武公子耳為衛上卿因氏焉今此碑乃云出于商比干之後蓋古人或因賜姓命氏或以官或以謚或以封或以居或以王父子為氏故姓氏雖同而源流或異書傳闕漏不載者多矣金石錄

漢溧陽長潘乾校官碑光和四年

漢校官碑宋紹興十一年溧水尉俞仲遠得于固城湖濱置之官舍今在孔廟之大門右長樂陳長方雖

嘗碑其所得本未釋文則未之見碑以靈帝光和四年歲在辛酉造距今凡一千一百五十三年番陽洪景伯先生出字為之釋謂挈為契犖為黍畀為俾樹為野賚為責剗去其刀賢去其貝干侯與彘侯通尚且謂太公周公可謂精審又據其餘不可辨者尚有一二十七字今觀首行自三百字以下上斯字凡十有六字比之洪氏作釋文時又皆不可考且如第三行之字之下是禱字禱下缺一字有天字敏之上是克字衆之下是僑字退之下是慝字役之上為復反之下為失此之上為即皆隱隱可見洪則悉以為闕又

如旣安且寧則以為旨寧梅檜則以為桓檜豈當時誤于墨本而然耶溧陽志至謂元卓為元貞是又以名乾而傳會也禧承之于茲暇日與士友曹國傑摩抄久之得其一二因以洪先生釋文列于上僭附所見于其下勒諸樂石以補前修之所未及者餘尚俟博雅君子云至順四年五月文學掾濟陰單禧識

右漢溧陽長潘乾校官碑在今南畿溧水縣學蓋溧水即漢溧陽地也予初得此碑而不知其有釋文近始得之乃元至順四年校官單禧所為而刻之者也禧謂此碑宋紹興中縣尉喻仲遠得于固城湖濱置

之官舍則其得免于毀棄仲遠之力也禧又有跋謂
考訂碑文與隸釋不同者二十七字而復辨溧陽志
之失可謂有功于文字者故備錄之

金薤琳琅

漢涼州刺史魏君碑

光和四年

右漢涼州刺史魏君碑文字殘缺族系名字皆不可
考其粗可見者察孝廉除郎中尚書侍郎右丞卒于

光和四年而其額題涼州刺史魏君碑云

金石錄

漢碭孔君神祠碑

光和四年

右漢碭孔君神祠碑其前題漢故行梁相事碭孔君
之神祠文詞字畫皆古恠而不工又時有難曉處然

刻畫甚完孔君者名眈字伯本

金石錄

漢成陽令唐君頌

光和四年

右漢唐君碑其名已磨滅云云字正南潁川鄆人也
其先出自慶都感赤龍生堯王有天下苗胄枝分相
土視居因氏唐焉君父孝廉郎中早卒君繼厥緒眈
道好古敦書味詩守舞陽丞潁陽令察能治劇遷豫
章其後遂復磨滅雖文字班班可見而不能得其次
序其後又云換君昌陽令吏民慕戀牽君車輪不得
行君臣流涕道路琅玕是故從事郡掾刻石樹頌歌
君之美據此蓋縣令去思碑爾其後又云光和六年

三月壬午朔二十五日丙午則知唐君爲後漢時人
矣 集古錄

右漢成陽令唐君頌云君諱扶字正南字畫尚完而
歐陽集古錄乃云其名殘缺何哉碑額題漢故成陽
令唐君之頌在今濮州雷澤縣古成陽也 金石錄

漢唐君碑陰

右漢唐君碑陰載出錢造碑人有故從事故督郵故
吏處士門生門童等姓名案唐君碑云處士閻葵班
等刻石樹頌而碑陰又有故吏閻葵巴處士閻葵楚
閻葵姓不見于前史而姓苑姓纂之類亦皆不載蓋

前代氏族或因改易或寢微不顯遂泯沒而無傳者
甚衆云 金石錄

漢白石神君碑 光和四年

右漢白石神君碑其畧云白石神君者居九山之數
參三條之一兼將軍之號秉斧鉞之威體連封龍氣
通北岳幽讚天地長育萬物觸石而起膚寸而合不
終朝日而澍雨沾洽自前後國縣屢有祈請指日刻
期應時有驗猶自挹損不求禮秩縣界有六名山三
公封龍靈山得法食去光和四年三公守民蓋高等
始爲無極山詣太常求法食相縣以白石神君道德

灼然乃具載本末上尚書求依無極卽蒙聽許于是
遂託兆改立殿堂其餘首尾尚皆完好可讀文多不
備載其曰居九山之數參三條之一莫曉爲何語也

金石錄

漢幽州刺史朱龜碑

光和六年

過水又東逕朱龜墓南枕道有碑題云漢故幽州
刺史朱君之碑龜字伯靈光和六年卒官故吏別駕
從事史石北平無終年化中平二年造碑陰刊故吏
姓名悉劉涿及上谷北平等人

水經注

右漢朱龜碑云字伯靈察孝廉除郎中尚書侍郎以

將事去宮干時益州州下滅一字夷侵寇以君爲御
史中丞討伐其後磨滅又云鮮卑侵犯障塞服舉君
拜幽州刺史年六十四光和六年卒龜之事迹不見
史傳其僅見于此碑者如此碑今在亳州界中云將
去官莫曉其語後予守亳州徙碑置州學中

集古錄

予得朱龜碑廼考次其文曰龜字伯靈察孝廉除郎
中尚書侍郎以將事去宮干時益州夷侵寇以君爲
御史中丞討伐鮮卑侵犯障塞復舉君拜幽州刺史
吳茲曰集古謂龜事迹不見史傳其僅見此碑者如
此余曰文忠偶未考耳龜事見漢書甚詳華陽國志

曰靈帝熹平中蠻夷復反益州太守譙陟遣御史中丞朱龜將并涼勁兵討之不克朝議不能征欲依朱崖故事棄之太尉掾巴郡李顯獻陳方策以爲可討帝廼拜顯益州太守與刺史龐芝代之徵龜還顯將巴陵郡版楯軍討之皆破後漢書記熹平五年諸夷反叛執太守雍陟遣御史中丞討之不能克朝議欲棄之太守尉掾李顯建策討伐廼拜顯益州太守擊破之還得雍陟今以碑爲據則漢書謂夷執雍陟朝廷遣龜何顯擊叛蠻始得雍陟則龜皆非其功故碑自畧之其可考也昔常璩書蜀事最詳范曄修漢書

多依用之至謂益州太守雍陟遣御史中丞朱龜則誤矣漢御史中丞豈太守得遣者邪廣川書跋

右朱龜碑在今亳州酈道元注水經云云今以碑考之與道元所載皆合歐陽公集古錄云龜之

見史傳獨見于此碑爾余按後漢書南夷傳熹平五年諸夷反叛執蜀郡太守雍陟遣御史中丞朱龜討之不能克常璩華陽國志亦載其事與史同惟史與華陽國志皆言龜不能克而碑云蠻夷授手乞降疑碑非實錄也金石錄

漢朱龜碑陰

右漢朱龜碑陰文字殘缺初予讀酈道元注水經云
朱龜碑陰故吏各姓多上谷代郡人知此碑有陰因
託人就亳社摸得之附于碑後金石錄

漢張平仲碑光和中

盧氏縣南有張氏墓漢上谷太守議郎張平仲碑光

和中立水經注

漢文穆碑光和中

鄴城東有文穆碑冢三世二千石穆郡戶曹史徵試
博士太常丞以明氣候擢拜侍中右中郎將遷九注
彭城陳留郡光和中卒故吏涿郡太守彭城李虔等

立水經注

記石經與今文不同

臨漢石經與今文不同者殊多今畧記之書女毋翕

侮成人今本女無保后胥高保后女永勸憂汝誕女

有近則在乃心今近女比猶念以相從今分各翕

中各設爾惠朕曷祗動萬民以遷今作爾天既付

命今付曰陳其五行汨嚴恭寅長天命自亮以民

祗懼今亮作度懷保小人惠於矜寡今人作民母兄

曰今作無則兄自敬德皇兄作且以前人之微言今前

徵皇曰是罔顯哉厥世今在文王之鮮光今通因就

大命今作達殷論語意與之與今意孝于惟孝今平
朝聞道夕死可也今矣是魯孔丘與曰是知津矣是
孔丘與曰是也是知津矣擾不輟子路以告子憺然擾而不輟
曰是知津矣是知津矣擾不輟子路以告子憺然擾而不輟
告夫子憺然置其杖而耘今置其斯以乎其斯而譬諸宮
墻今諸賈諸賈之哉今賈又論語每篇各計其章數
其最後云凡二十篇萬五千七百一十字又記諸家
異聞之語若曰在于蕭墻之內蓋毛包周氏于今論
語無蓋氏毛氏書此石刻在洛陽本在洛宮前御史
臺中年久摧散洛人好事者時時得之若騏驥一毛
虬龍片甲今張燾龍學家有十版最多張氏塔家有

五六版王晉玉家有小塊洛中所有者止此予皆得
其拓本論語之末題云詔書與博士臣左右劉本無
郎中臣書上臣下皆缺當是著書者姓名或云此即
蔡邕書姓名既亡無以辨之獨刻者陳興姓名甚完
何其幸歟又有一版公羊不知誰氏所得其末云谿
典諫議大夫臣馬日殫臣趙陔議郎臣劉弘郎中臣
張文臣蘇陵臣傅楨雜未下谿上缺谿上當是堂
謂堂谿典也此蓋鴻都一字石經然經各異手書不
必皆蔡邕也三字者不見真刻獨此一字者乃當時
所刻字畫高古精善殊可寶重開元中嘗藏拓本于

御府以開元二字小印印之與法書名畫同藏蓋唐世以前未錄前代石刻獨此見收其可寶如此

立字雜字

案石經古本皆有之

漢司隸從事郭君碑 中平元年

右漢司隸從事郭君碑云君諱究汲人也元城君之孫雒陽令之適歷主簿督郵五官掾功曹守令長辟司隸從事部郡都官春秋二十八而卒中平元年歲在甲子三月而葬據此軍中候碑爲元城君子而弟爲雒陽令考其世次皆同前世碑碣但書子孫而不及兄弟惟郭氏碑載其凡弟甚詳蓋古人譜牒旣完

而於碑碣又詳如此可見其以世家爲重不若今人之苟簡也 集古錄

漢都鄉正街彈碑 中平二年

右漢都鄉正街彈碑在汝州界故昆陽城中文字磨滅不可考究其歲月畧可見蓋中平二年正月而其額題都鄉正街彈碑莫知其爲何碑也 金石錄

漢太尉劉寬碑 中平二年

右漢太尉車騎將軍特進遼鄉昭烈侯劉公碑公諱寬有兩碑皆在洛陽余家集錄皆得之其一故吏李謙等所立而此碑門生殷包等所立其所書與李謙

碑所載不異惟漢隸難得當錄漢公卿故吏門生各自立碑以伸感慕惟見于此今人家碑碣非其子孫則他人不爲立也

右漢太尉劉寬碑漢書有傳其官闕始卒與碑多同而傳載遷官次序頗畧蓋史之所記善惡大事官次雖小畧不足爲失惟其謬誤與缺其大節不可不正碑云大將軍以禮賜命拜侍御史遷梁令三府並用博士徵皆不就司隸校尉舉其有道公車徵拜議郎司徒長史而傳但云大將軍辟五遷司徒長史今據碑止四遷爾博士未嘗拜也碑于長史下遂云入登

侍中延熹八年地震有詔詢異而拜尚書遷南陽太守拜大中大夫復拜侍中屯騎尉宗正光祿勳

太尉傳至大中大夫始云遷侍中其前自長史入登侍中史闕書也碑又云固疾遜位拜光祿大夫遷衛尉復作太尉而傳云以日食免拜衛尉以日食免當從傳爲正而不書光祿大夫史闕也其餘皆同故不復錄

集古錄

跋漢太尉劉文饒碑後

漢太尉劉文饒碑二故吏李謙等立一門生立一在今西都上東門外官道之北洛陽尉射圃中

近世好事者亭以覆之曰其亭爲寶刻蓋以是碑爲
蔡中郎書故名焉二碑陰各有題名唐湖城公劉爽
修碑記亦存焉予官洛五年每過上東必徘徊碑下
想文饒之高風玩中郎之妙楷與歐陽信本之觀索
靖書碑坐臥不能去何以異云因令工椎拓二碑及
陰文裝爲三帙而時觀之政和二年七月初吉黃某
長睿父書

右劉寬碑寬有兩碑皆在洛陽上東門外官道傍此
碑據藝文類聚乃桓麟撰後碑不知何人所爲然字
體則同也

金石錄

漢劉寬碑陰

右漢太尉劉寬碑陰題名寬碑有云其故吏門生各
立其一也此題名在故吏所立之碑陰其別列于後
者在寬子公之碑陰也寬以漢中平二年卒至唐咸
亨元年其裔孫湖城公爽以碑歲久皆仆于野爲再
立之并記其世序嗚呼前世士大夫世家著之譜牒
故自中平至咸亨四百餘年而爽能知其世次如此
之詳蓋自黃帝以采子孫分國受姓歷堯舜三代數
千歲間詩書所紀皆有次序豈非譜繫源流傳之百
世而不絕歟唐世譜牒尤備士大夫務以世家相高

至其弊也或陷輕薄婚姻附託邀求貨賂君子患之
然而士子修飭喜自樹立兢兢惟恐墜其世業亦以
有譜牒而能知其世也今雖名臣巨族未嘗有家譜
者何哉 集古錄

右漢劉寬碑陰寬兩碑皆有陰此後碑陰也唐咸亨
中碑仆于野其裔孫周王記室叅軍爽字元爽重為
建立寬以中平二年卒據靈帝紀以光和七年十二
月改元中平以曆推之是歲甲子至明年當為乙丑
而爽書為甲子誤矣 金石錄

漢南陽太守秦頡碑 中平三年

宜城大城中頡墓前有二碑頡以江夏都尉出為南
陽太守逕宜城中見一家東向頡住車視之曰此居
處可作冢後卒于南陽喪還至昔住車處車不肯進
故吏為市此宅葬之孤墳向塾冢前有二碑 水經注
右漢秦君碑首題云漢故南陽太守秦君之碑秦君
不知為何人碑在南陽界中字已磨滅不可識獨其
碑首字大僅存其筆書頡奇偉蔡君謨甚愛之 集古錄
右漢南陽太守秦君碑頡文字已磨滅惟其頡十大
字尚完好故名字歲月皆莫可考按後漢書靈帝紀
中平三年二月江夏兵趙茲反殺南陽太守秦頡或

云此即頡碑也然水經注載頡墓與碑皆在宜城此碑乃在南陽或是郡人所立德政頌爾

金石錄

漢蕩陰令張君碑

中平三年

右漢蕩陰令張君碑碑云君陳雷己吾人治京氏易少為縣吏徵拜郎中除穀城長遷蕩陰令後云中平三年二月故吏韋萌等刻石立表蓋其去思碑也字特完好可讀漢碑中之不易得者考之東漢地理志蕩陰屬河內郡即今彰德府之湯陰縣己吾屬陳雷郡今開封府之夏邑縣

此碑予官京師時嘗于景太史伯時處見舊榻本不

及錄近得之友人文徵仲按隸釋云東漢及魏其碑到今不毀者十才不二凡歐趙錄中所無者世不復有予生去宋數百年而此本兩見歐趙錄中蓋未嘗載隸釋并隸續亦無其文通志金石畧所載碑目雖多然亦未之及乃知舊物之在天壤間者固不可盡謂之無也

金薤琳琅

漢尉氏令鄭君碑

中平三年

右漢尉氏令鄭君碑云君子季宣聘君之孫而其名已殘缺其他字畫時有可識處皆斷續不成文理略可見者年五十有七卒于中平二年而碑陰題尉氏

故吏處士人名知其為尉氏令爾 金石錄

漢小黃門譙君碑 中平四年

石漢小黃門譙君碑云君諱敏字漢達年五十七中平二年卒其文不甚磨滅而官闕無所稱述惟云肅將王命守靜韜光以遠悔咎而已後漢宦者用事靈帝時尤盛敏卒之歲張讓等十二人封侯于斯之時能守靜遠悔是亦可佳然敏以小黃門而立碑稱頌于此可見宦官之盛矣 集古錄

此碑靈帝時立小黃門秩六百石永叔疑其刻碑已盛予考其時孫程以侍御史持節監護喪事乘輿瞻

望車騎軍超賜東園祕器棺中玉具發五營騎士將作起家瑩侯覽豫作壽冢石棺雙闕高廡百尺其制如此則敏為大碑何足稱異其書曰守靜韜光以遠悔吝敏之能不能未可知也然方其時如呂強忠直尤為可貴且同時有北海趙祐以博學稱其陵吳仇善風角託病不與事濟陰干肅下邳徐衍南陽郭耽稱為忠清不爭威權又有李巡與諸儒書五經文於石此其尤異者然則其可謂宦者遂無其人耶若敏者其上不得如巡強下亦不若忠讓者歟 廣川書跋

此碑稱敏之先譙贛能精微天意傳道與京君明即

漢書稱京房治易事梁人焦延壽字贛者也而碑乃云譙其氏姓不同如此豈聲文相近義傳之譌歟抑作碑者妄引以為譙君之先歟然二漢相距非甚遠為金石刻不應舛忤是知冊牘所傳其失多矣左氏僖公二十三年秋楚成得臣帥師代陳討其貳于宋也遂取焦夷城垣而還杜預謂焦今焦縣也據此說則焦譙亦通音也近世有信安何籀者以隸書知名自是碑為祭中郎書未知何據自謂學此法清勁有古意與梁孟皇行筆正相反予謂漢世隸法至魏大變不必深察勢自爾也此碑意象古雅在樊樊安碑也常

侍蔡藁長二碑上借非中郎自可師法大觀三年八月癸未西都掾解裝長齋書

漢陳君碑 中平四年

石漢陳君碑文字殘缺不完其畧可識者云君諱度字妙高陳國相人又云武王克商封無代之後以元女大姬配胡公至厲公生公子完奔齊其後折續不復成文而最後題中平四年九月二十日己丑立云

金石錄

漢趙相劉衡碑 中平四年

石漢趙相劉衡碑云君諱衡字元宰濟南東平陵人

也厥先尚矣聖漢龍興以下殘缺又云爰啓冀土遷
于岱陰自康侯以來弁世丕承又云渤海王帝之家
弟不遵憲典君以特選為郎中令兄以琅邪相憂即
日輕舉州察茂材除修令遷張掖屬國都尉以病徵
拜議郎遷東東上一字口屬國都尉不行拜趙相在位三
歲拜議郎年五十有三以中平四年二月戊午卒其
四月己酉葬其餘文字完好者尚多按後漢書渤海
王名惲桓帝弟也衡墓與碑在今齊州歷城縣界中
古平陵城傍余嘗親至墓下觀此碑因摸得之墓前
有石獸制作甚工云 金石錄

漢陳仲弓碑 中平五年

右漢陳仲弓碑其額題云漢文範先生陳仲弓之碑
文字漫滅蔡邕字畫見于今者絕少故雖漫滅之餘
尤為可惜以校集本不同者數字惜不完也按邕撰
仲弓三碑其一碑云中平三年秋八月丙子卒而三
碑皆云春秋八十有三後漢書仲弓傳以為中平四
年年八十四卒于家者疑誤 金石錄

漢陳仲弓碑陰

右陳仲弓碑陰故吏姓名多已列缺蔡邕小字八分
惟此與石經遺字爾石經字畫謹嚴而此碑陰尤逸

可愛 金石錄

漢陳仲弓壇碑

右漢陳仲弓壇碑其額題故太丘長潁川陳君壇其
他文字磨滅不可盡識按蔡邕集有仲弓三碑以集
本校之此碑非邕撰者然字畫亦奇偉惜其殘缺不
完也 金石錄

漢襄陽冠蓋里碑 中平

襄陽有太山山下有廟漢末多士其中刺史二千石
卿長數十人朱軒華蓋同會於廟下荊州刺史行部
見之雅歎其盛號為冠蓋里而刻石銘之此碑于永

嘉中為人所毀其餘文尚有可傳者其辭曰峩峩南
岳烈烈離明寔敷儁又君子以生惟此君子作漢之
英德為龍光聲化鶴鳴 水經注

漢大石嶺碑 中平六年

新城縣大石山下有碑河南隱士通明以漢靈帝中
平六年八月戊辰于山堂立碑文字淺鄙殆不可尋

水經注

漢圉令趙君碑 初平元年

右漢圉令趙君碑其額題漢故圉令趙君之碑而最
後題初平元年十二月二十八日立碑已訛缺名字

皆不可考所可見者有云郡仍置五官掾功曹州辟從事司徒揚公辟遷圜令播德二城風曜穆清被疾去官年六十有八以中平五年冬十一月卒後有銘詩特完好其辭云天寔高惟聖同獻我君羨其縱體弘仁蹈中庸所臨歷有休功追景行亦難雙刻金石示萬邦其詞頗爾雅故錄之 金石錄

漢周公禮殿記

初平五年

右漢文翁石柱記云漢初平五年倉龍甲戌旻天李月修舊築周公禮殿始自文翁開建津宮據顏有意益州學館廟堂記云按華陽國志文翁為蜀郡守造

講堂作石室一名玉堂安帝永初間烈火為火堂及寺舍並皆焚燹惟石室獨存至獻帝興平元年太守高朕于玉堂東復造一石室為周公禮殿有意又謂獻帝無初平五年當是興平元年蓋時天下喪亂西蜀僻遠年號不通故仍稱舊號也今檢范曄漢書本紀初平五年正月改為興平顏說是也 集古錄

此記在成都學舍顏有意撰昔廬江文翁治蜀初立學成都作講堂石室開二堂左溫故右特習復作周公禮殿畫孔子像蓋古者以周公為先聖孔子為先師故學必祀周公以孔子配之自開元後制度廢棄

惟此存爾其後遇災太守陳留高朕修立增二石室
更于夷里橋其室至今與文翁俱傳昔人嘗疑朕非
臣下可為名流俗為高勝蓋蜀書有此名郫縣人也
至宋璋洗視知其為高朕范蜀公嘗為人道之甚詳
予嘗至其處求字畫得之實為朕字知在漢猶未避
嫌若後世之甚也 廣川書跋

石漢周公禮殿記者今成都府學有漢時所建舊屋
柱皆正方上狹下闊此記在柱上刻之靈帝初平五
年立距今蓋千年矣而字畫完好可讀當時石刻在
者往往磨滅此記託于屋楹乃與金石爭壽亦異矣

記有云甲午年故府梓潼文君增造吏舍二百餘間
梓華陽國志有文參字子奇梓潼人平帝用為益州
太守不從王莽公孫述光武嘉之疑此記所載即其
人蓋光武建武十歲次甲午云 金石錄

漢巴郡太守樊君碑 建安十年

右漢巴郡太守樊君碑云君諱敏字昇達肇祖宓戲
遺苗后稷周室衰微霸伯匡弼楚漢之際或居于楚
或集于梁君續其緒華南西蜀又云總角好學治嚴
氏經于是國君備禮招請察孝除郎永昌長史遷巖
梁令大將軍辟光知之末京師擾攘投棧長驅重察

不就再奉朝聘七辟外臺長為治中諸部從事又云
季世不祥米巫凶瘡君執一心賴無污耻復辟司徒
道隔不往牧伯劉公表授巴郡以助義郡尉養疾閭
里又行褒義校尉年八十有四歲在協洽紀驗期臻
奄忽藏形其後有銘最後題建安十年二月上旬造
他漢碑類多刊缺而此碑獨首尾完好故載其大畧
于此所謂米巫凶瘡者謂張角也 金石錄

漢獻帝南巡碑 趙徵丁紹碑附

安平城內有漢冀州從事安平趙徵碑又云魏冀州
刺史陳留丁紹碑青龍三年立城南有獻帝南巡碑

水經注

漢魏文帝三廟石闕碑 建安中

莘陰小莘山下有漢魏文帝三廟廟有石闕數碑一
碑是建安中立漢鎮遠將軍段熲更修祠堂碑文漢
給事黃門侍郎張昶造昶自書之魏元帝真又刊其
二十餘字二書存重名傳于海內又刊傳中司隸校
尉鐘繇弘農太守母丘儉姓名廣六行嚮然循平是
太康八年弘農太守河東衛叔始為莘陰令河東裴
仲恂役其逸力修立壇廟以道樹柏迄于山陰事見
永興元年莘百石所造碑 水經注

漢綏民校尉熊君碑 建寧二十一年

右漢熊君碑云君諱喬字舉舉上滅一字其官闕不可詳考其僅可知者劉表時為綏民校尉後遷騎都尉建寧二十一年卒享年七十有一其云治歐年尚書其字非訛闕而以陽為年蓋古文字少故須假借至漢字已備而猶假用何哉後云太歲在中申上滅一字以曆推之當是丙申又云碑詩春陵福造福上滅一字當是其姓其書頭字皆為顛按許慎說文頭從巛聲而轉為累其失遠矣莫曉其義也 集古錄

右漢熊君碑其名字皆殘缺其額題漢故綏民校尉

騎都尉桂陽曲紅灌陽長熊君之碑初余得桂陽太守周君碑陰據水經注以為曲江漢時本名曲紅今此碑及額亦皆作紅乃知酈道元為有據也 金石錄

漢宗資墓天祿辟邪字

右漢天祿辟邪四字在宗資墓前石獸膊上按後漢書宗資南陽安衆人也今墓在鄧州南陽界中墓前有二石獸刻其膊上一曰天祿一曰辟邪余自天聖中奉進士往來襄鄧間見之道側迨今三十餘年矣其後集錄古文思得此是屢求干人不能致尚書職方員外郎謝景初家于鄧為予模得之然字畫訛缺

不若予見特完也按黨錮傳云資祖均自有傳今後漢書宋均傳云南陽安衆人而無宗均傳疑黨錮傳轉寫宋為宗爾蜀志有宗預南陽安衆人豈安衆當漢時有宗宋二族而字與音皆相近遂至訛繆耶錄

右漢天祿碑邪字在南陽宗資墓前石獸膊上歐陽公集古錄按黨錮傳云資祖均自有傳見章懷太子注今後漢書有宋均傳疑黨錮傳轉寫宋為宗爾此說非是予按後漢書均族子意傳云意孫俱靈帝時為司空而靈帝紀建寧四年書太常宗俱為司空注云俱字

伯儷南陽安衆人延熹二年書司空宗俱薨又姓苑載南陽安衆宗氏云後漢五官中郎將伯子司隸校尉河內太守均均族遼東太守京京子司隸校尉意意孫司空俱元和姓纂所書亦同則均姓為宗無疑者當章懷為注及林寶撰姓纂時尚未差謬至後來始轉寫為宋爾予既援據詳審遂于家藏後漢書均列傳用此說文改定云 金石錄

鄧州南陽北有東漢太守汝南宗資墓墓列二獸其高八尺角而鱗分鬣曳尾遺壯大左曰天祿右曰辟邪皆刻膊上字不盡為隸法蓋篆之變也漢自光初

後碑盡為隸至書其額或作篆亦皆為偃波勢而此
后所書獨多篆法知漢隸之有如此者以篆尚存也
按書志桃拔一名符拔似虎長尾一角為天祿兩角
為辟邪兼前角者為浮都祿又為鹿傳曰辟邪應瑞
之獸也五色光輝長尾善知星變故其見于時著瑞
應也封氏曰秦漢以來帝王陵前有麒麟辟邪象馬
之屬人臣墓刻石虎羊以為儀衛其在唐有制然資
以御史中丞而墓刻辟邪蓋漢無此制也昔交趾獻
獸麟首一角而肉鱗當時不能識其後沈括察其形
謂是天祿然當時所獻無鱗甲五色但皮肉隱鱗不

說長尾未得便為天祿也 廣川書跋

漢司空宗俱碑

右漢司空宗俱碑云公諱俱字伯儷南陽安衆人也
而其額題漢故司空宗公之碑按後漢書宗均傳均
族子意意孫俱靈帝時為司空予嘗得宗資墓前石
獸膊上刻字因以後漢帝紀及姓苑姓纂諸書參考
以謂自均而下其姓皆當作宗而列傳轉寫為宗誤
也後得此碑益知前言之不謬碑已殘缺不成文理
而官秩名氏鄉里特兒可考故詳著之 金石錄

漢梁廟碑

以後俱漢時碑年次無考

九疑山大舜窆其陽商均葬其陰山南有舜廟前有漢石碑文字缺落不可復識山之東北冷道縣界又有舜廟縣南有舜碑碑是零陵太守徐儉立

水經注

漢汲縣太公廟碑

汲縣城西北磻溪太公嘗釣于此城東門北側有太公廟廟前有碑碑云太公望君河內汲人也縣民故會稽太守杜宣曰今崔瑗國老王喜廷掾鄭篤功曹邠勤等立壇祀為之位王城北三十里有太公泉泉上又有太公廟廟側高林秀水翹楚競茂相傳云太公之故居也晉太康中范陽盧無忌為汲令立碑于

其上 水經注

漢夷齊廟碑

河水東涇平縣故城北南對首陽山春秋所謂首戴也夷齊之歌所以曰登彼西山上有夷齊之廟前有二碑並是漢河南尹廣陵陳導洛陽令徐循與處士平蘇騰南陽何進等立事見其碑

水經注

漢魏孔廟碑

漢魏以來廟列七碑二碑無字枯柏猶茂

水經注

漢范蠡祠碑

宛城清水之濱有范蠡祠蠡宛人祠即故宅也後漢

未有范曾字子閔為大將軍司馬討黃巾賊至此祠
為蠡立碑文勒可尋水經注

漢屈原廟碑

屈潭即羅淵也屈原懷沙自沉于此淵北有屈原廟
廟前有碑又有漢南太守程堅碑寄在原廟水經注
漢吳季札子墓碑

奉高縣北有吳季札子墓在汶水南曲中季札之聘
上國也喪子于贏博之間即此處也從征記曰贏縣
西六十里存季札兒冢冢圓其高可隱也前有石銘
一所漢末奉高令所立無所述標誌而已自昔恒蠲

民戶灑掃之今不能然碑石糜碎靡有遺矣唯跌存
焉水經注

漢桓宣碑

峴山上有桓宣所築城孫堅死于此又有桓宣碑水經注

漢管寧邴原二碑

晏謨言柴阜西南有魏獨行君子管寧墓墓前有碑
山之東有徵士邴原冢碑誌存焉水經注

